

## — 351 —

gelicher wiß als were ir der schad geschehen. Daß och wir die vorgeanteten stet, deßter fridlicher vnd früntlicher geleben mügen, so han wir mit gemeinen muot gemacht vnd geret, daß kein burger oder burgerin der vorgeanteten stette die andern bekümbern sülñ, denne die waren schuldenere, wöltn aber kein burger oder burgerin der vorgeanteten stet, die andern ze red setzen, in der stat da die schuldenere inne gefessen sint, vmb deheinr hand schuld, oder vmb dehein ander sach, die si mit im ze schaffend hant, dem sol man rihten vnverzogenlich, loogent der schuldenere der schuld oder der klage, dar vmb er angesprochen wirt, vnd wil in der klage erzügen, daß sol er tuon mit biderben lüten die da bi sint gewesen, die vmb die schuld oder die ansprach wissend, oder mit briesen die billich helfen font vnd mügend, vnd sol man die och fürhören vnd dem klager dar na rihten ane alle geuerde. Es ist och beret, daß kein stat vnder vns den vorgeanteten stetten, noch kein burger oder burgerin dirre vorgeanteten stette, dehein stat noch burger oder burgerin vnder vns angriffen sol noch bekümbern ane geriht, wan het ieman vnder vns den vorgeanteten stetten burger oder burgerin mit den andern üt zeschaffend, oder anzesprechend in weln weg das weri, daß font si tuon mit geriht an den stetten da in ienre, den si da ansprechend, ze reht sol stan, vnd sol man inen da rihten vnverzogenlich als vorgeschriben stat, doch vnd sol sich dehein stat annemen deheinen iren burger oder burgerin zeschirmend wider die andern, der vorgeanteten stet burger oder burgerin, von keins kriegs oder angrifes wegen, der iren burgern oder burgerin geschehi, e sū ir burger oder burgerin murdend. Geschehe och kein angrif vnder vns den vorgeanteten stetten an geriht, den sol die stat, der burger oder burgerin die den angrif getan hant, solich haben daß sū widertuont, daß si ane geriht hant getan, wan ieder burger oder burgerin, vnder vns den vorgeanteten stetten, sullen von den andern reht nemen an den stetten, da sūs ze rehte tuon sönt als vor geschriben stat. Wir sint och über ein komen, weri es, daß deheim burger vnder vns drin stetten, sin burgreht verteilt wurde, daz er nüt solte komen